

ՈՐՈՇՈՒՄՈՒ ՄԱՍԻՆ ԵՄ ՈՐՈՇՈՒՄՈՒ ՈՐՈՇՈՒՄՈՒ ՈՐՈՇՈՒՄՈՒ ՈՐՈՇՈՒՄՈՒ ՈՐՈՇՈՒՄՈՒ ՈՐՈՇՈՒՄՈՒ ՈՐՈՇՈՒՄՈՒ ՈՐՈՇՈՒՄՈՒ ՈՐՈՇՈՒՄՈՒ ՈՐՈՇՈՒՄՈՒ

Նախարարի խոսքերով, գերատեսչության գլխավոր ձեռքբերումը համակարգի ապաքաղաքականացումն ու դպրոցական մանդատուրների ծառայության բարեփոխումն է: «2012 թվականի դեկտեմբերին «Ընդհանուր կրթության մասին» օրենքում փոփոխություններ կատարվեցին մանդատուրների գործառույթներին վերաբերվող կետում: Փոփոխություններն առնչվեցին նրանց պարտավորություններին, իրավասություններին: Փոփոխությունները փաստորեն հանգեցրին մանդատուրների համակարգի նորացմանը, ծագեց նրանց նախապատրաստման, մասնագիտական որակավորման բարձրացման անհրաժեշտություն: Նման փոփոխությունը բարձրացրեց մանդատուրների նկատմամբ պահանջարկը, եւ այսօր ավելի քան 400 դպրոցներից պահանջում են ներդնել մանդատուրների համակարգը: Պահանջարկի բավարարման համար մշակել ենք եռամյա ծրագիր», - հայտարարեց Թամար Սանիկիձեն:

Նրա խոսքերով, մանդատուրների ծառայության բազայի վրա հիմնվել է նաեւ հոգեբանական ծառայություն, որն արդեն գործում է չորս տարածաշրջանում: «Այդ ծառայության ներդրման ցանկություն է հայտնել ավելի քան 700 դպրոց, ուստի մենք ծրագրում ենք ընդլայնել հոգեբանական կենտրոնների ցանցը», - հայտարարեց նախարարը:

Կրթության նախարարի խոսքերով, համակարգում շարունակվում է քաղաքական շարժառիթներով աշխատանքից ազատված մանկավարժների վերադարձման գործընթացը: «Համակարգի ապաքաղաքականացման գործընթացին նշանակալի օգնություն ցուցաբերեց հատուկ հանձնաժողովը, որն ուսումնասիրում է քաղաքական շարժառիթներով ազատված մանկավարժների ու տնօրենների դիմումները: Հանձնաժողովը, որը կազմված է ոչ կառավարական կազմակերպությունների եւ ժողովրդական պաշտպանի աշխատակազմի ներկայացուցիչներից, արդեն քննարկել է հազարից ավելի դիմում: Մոտ ժամանակներս հասարակայնությանը կներկայացվի մանրամասն հաշվետվություն», - հայտարարեց Թամար Սանիկիձեն:

Նախարարության երկամյա գործունեության հաշվետվության ներկայացմանը Թամար Սանիկիձեն անդրադարձավ նաեւ մանկավարժների աշխատավարձի հարցին: Նրա խոսքերով, 2016-2017 թվականներին մանկավարժների աշխատավարձը կգերազանցի միջին ցուցանիշը: Նրա խոսքերով, մանկավարժների աշխատավարձի առաջիկա բարձրացումը ծրագրված է 2015 թվականի սեպտեմբերին: Գործընթացը կշարունակվի 2016 թվականի ապրիլին, իսկ 2017 թվականի հունվարին այն վերջնականապես կավարտվի: Նախարարի խոսքերով, ուսուցիչների բազիսային աշխատավարձը 2013 թվականին ավելացել է 70 լարիով: Ինչպես նշեց Թամար Սանիկիձեն, բազիսային աշխատավարձի ավելացումը 100 լարիով ծրագրված է իրականացնել երկու փուլով, եւ արդյունքում՝ այն կավելանա 70 տոկոսով:

Երկամյա հաշվետվությունը ներկայացնելիս՝ Վրաստանի կրթության եւ գիտության

նախարար Թամար Սանիկիձեն խոսեց նաեւ բարձրագույն կրթության մասին: Նրա խոսքերով, գերատեսչության կողմից մշակված ծրագրերի, բուհերի ֆինանսավորման շնորհիվ կտրուկ նվազել է այն ուսանողների թիվը, ում ֆինանսական բարդությունների պատճառով ուսանողի կարգավիճակը կանգնեցվել էր: Միաժամանակ, նախարարի խոսքերով, ծրագրված է մշակել համապատասխան ծրագրեր, որպեսզի ֆինանսավորումը լինի սոցիալապես առավել կողմնորոշված, եւ ուսման վարձը չվճարելու պատճառով ուսանողի կարգավիճակի սառեցում չլինի: «Բնականաբար, մենք հնարավոր ամեն ինչ անում ենք ֆինանսավորմանը առավել սոցիալական կողմնորոշում վերապահելու համար, եւ ես խստորեն հետեւում եմ այդ գործընթացին: Գերատեսչությունը հնարավորինս կօգնի այն ուսանողներին, ովքեր աչքի են ընկնում ակադեմիական բարձր առաջադիմությամբ, որպեսզի նրանց համար ֆինանսական հիմնախնդիրները հասցվեն նվազագույնի», - հայտարարեց Թամար Սանիկիձեն:

□ □ □ □ □ □   □ □ □ □ □ □ □ □ □ □